

錄異記卷之八

森森南宮... 墓

墓

陳州為太昊之墟東開城內有伏羲女媧廟
廟東南隅有八卦壇西南隅有海眼是古樹

根穴直下以物投之不知深淺歲早以金銀
物投之可致雨亦是國家投奠之所穴側有
龍堂焉東開城外有伏羲墓以鐵錮之觸犯
不得時人謂之翁塚陳州雖小寇賊攻之
固不能克以其墓靈也

房州上庸界有伏羲女媧廟云是搏土為人
民之所古跡在焉又華陝界黃河中有小洲
島古樹數根河水汎漲終不能沒云是女媧
墓大曆年中連日風雨晦暝雷電不已晴霽
之後忽失此墓不知所在

蔡州西北百里平輿縣界有仙女墓即董仲
舒為母進葬衣冠之所傳云董永初居云山
仲舒既長追思其母因築墓焉秦宗權時或
云仲舒母是天女人間無墓恐是仲舒藏神
符靈藥及陰陽秘訣於此宗權命裨將領卒

百餘人往發掘之即時注雨六旬不止竟施
工不得是歲淮西妙襲因致大飢焉

漢長沙王吳芮塚在長沙縣東二里高二十
七丈周迴六百丈昔諸葛誕長史吳綱時有
人計綱者云君酷似吳芮綱驚曰君何以知

之客曰黃初三年嘗至長沙見人發吳芮塚
中多玉器芮儻屍容貌不異生時君酷似之
綱曰是吾七世祖也君子時見得玉復何在
曰悉置孫堅廟中

漢長沙定王襄及其母唐姬墓各高三十三丈
周迴三里墓高十八丈其間相去三丈

宣州當塗縣之東南有橫山馬山下有八墓
形甚高大乾符中有盜發之得一穴續緝焉
純凡七十四人觀之為黑蜂所螫蜂
既甚多總者驚懼而去竟無所得相傳云是

陶廣州墓美知其名及年代矣

洪州大廳前有早英樹數人合抱馬不敢棲
人犯之者立有靈應相傳見之數百年矣大
廳中非時不敢視事固為常矣李憲為太守
既至命伐其樹吏民爭之咸以為不可憲竟

伐去之既而群鴉數千鳴噪不已憲疑其下
有物命掘之而深數尺乃巨墓也中得石誌

識言數百字末云郭璞墓也復五百歲開墓
賊李憲是也所識將來之事至今猶有知者
即命修完其墓遷廳事以避之按東晉元帝

元年時郭璞為王敦所殺事在金陵不知何
因墓在豫章東晉元年丁丑至唐文宗敬宗
中即五百歲矣

鍾傳初入洪州命修子城軍吏散掘墓軌以
稱用功畢傳夢一人古服項長貌如子路來

詣傳曰將軍何得暴我居處今我不安速宜
修之既覺歷問軍吏宿客莫能知者市老羅
通入謁曰舊圖云城東南角三十一步有子

羽先生墓相傳甚靈恐軍人取執有所觸犯
傳使人視之果驗即命梵砌修飾立亭子於

其上以表古跡既畢復夢致謝傳以束帛賞
羅通焉按滄臺滅明仲尼弟子也字子羽居
於武城貌惡而廉謹武城非豫章郡不知何
因有墓於此
許靜墓在成都延秋門外直西七八里田中

有巨墓云許將軍墓也耕牧之人牛豕之屬
犯者必有禍焉近制置軍管也野外墟墓多
不存者唯此歸然存焉人莫敢犯靜在前蜀
官至大司徒

越州上虞縣過江二十餘里有南寶寺在南

保村過橫嶺則到有好事者尋訪山水登嶺
行倦息於樹下有村吏亦歌焉共話山川形
勝指顧之間見路側一墳老叟曰此墳若是
丈夫則無可說若是女人有子當為三公好
事者異其言訪於寺僧村民有知者曰此鄭
注母墓也初元和中寺有女家人與村民石
生通焉有一兒十餘歲時有客僧姓鄭遊止
寺中病苦痢逾月寺僧常令此兒供給湯粥
甚得氣力擬乞為童子將去可否諸僧曰其
父石生存待為問之石生許可固無所怪三
綱問石生乃許焉僧將去因姓鄭氏僧以
方書伎術教之又別遇方士頗精遊藝交謁
王公因逐榮達大和中恩渥隆異除鳳府節
度使因坐事伏誅即鄭注也其母死後寺僧
葬於嶺上則是老叟所指之墳也李道咸通

末為鳳翔府府曹因推發掘塚賊問其所發
云數為盜三十年咸陽之北岐山之東陵域
之外古塚皆開發矣又問其所得之物云嘗
入一塚曰堦道直下三十餘尺得一石門以
物關之門內箭出不已如是百餘發不復有
箭矣遂以物撞關之一盜先入俄為輪劍所
中倒死于地門內十餘木人周轉運劍其疾
如風勢不可近盜以木橫拒之機關遂定盡
拔去其刃亦不復能轉因至其中但見悵悵
穢然編褥舒展過於座上漆燈甚明木偶
人與姬妾皆偶去地之餘有皮囊指櫃鐵索

懸掛焉即以木撞之機動其指即有砂流下
如水逡巡不可止流溢四面奔馳出門砂已
深二尺餘良久視之砂滿塚內不可復入竟
不知何人之墓矣

又一墓在咸陽原上既入得鏡兩面可照人
鼻在側畔背面瑩潔如新摩挲以面照之如
常無異以背照之形狀備足衣冠儼然而倒
立也
安州東北七里有古墓高七八丈周迴數百

步莫知名氏群賊發掘見以生鐵網之入地
丈餘莫見其底矣

城東二十餘里有一大墓群賊發之數日乃
開得金釵百餘枚各重百斤有石座雜寶古
樣腰帶陳列甚多取其一帶隨手有水湧俄

頃滿墓所開之處尋自閉盜以二師子獻太
守武司空太守夜夢一人古服侍從極多來
謁云南蠻武相公也為群盜壞我居處以太
守宗姓之分願為修之盜當發狂勿加擒捕
即命修之群盜三十餘人同時發狂相次皆
卒

乾寧三年丙辰蜀州刺史節度參謀司徒李
公師泰理第於成都錦浦里北門之內西迴
第一宅西與李冰祠相隣距宅之北地形漸
高崗走西南與祠相接於其堂北鑿地五六
尺得巨塚焉乾甃甚固於乾外得金錢數十
枚各重十七八銖徑寸七八分圓而無眼去
緣二分有隱起規規內兩面各有蕃書二十
一字其緣甚薄有刃焉督役者馳其二以白
司徒命使者入青城雲溪山居以示余云此

錢得有石餘公以命復瘞之仍不聞發其塚但不知誰氏之墓也度其地形當石笋之南百步所即知石笋即此墓之關矣自此甚靈人不敬祀其後蜀主改置祠堂以龍神享之為立小屋龍堂即在墓之東矣李公不發古塚不貪金錢亦古賢之高鑒也美哉美哉

永平乙亥歲有說開封人發曹王墓取其石人羊馬執石之屬見其棺宛然而隨手灰滅無復形骨但有金器數事棺前有侍銀盆廣三尺滿盆貯水中坐玉孩兒高三尺水無減耗則泓師所云墓中貯玉則草木溫潤貯金多則草木焦枯曹王自貞元之後歷二百歲矣盆水不減王之潤也

洪州豐城縣舊在灑江之南即雷煥得劍之所也自黃巢後所在干戈縣邑多為撫州所侵制置使唐寶遷邑民于江北城於赤崗之上前臨陡崖以為險固發掘丘墓劍屋宇居人市井數千家咸居其上甚多厲鬼形狀長大見者輒有所傷唐公在縣居人皆安或時往州使及暫有他適即鬼物恣橫不可禁止

唐公復至晏然無苦其後唐典諸郡制置使查郭代之理縣鬼物敬伏與唐無異郭或暫出鬼即為害數年之後縣竟荒毀後運舊處就中解署內廳事間尤難居止頃有隣郡避難戶人千百家寄止解署中者死亡略盡暮夜之際鬼多見形為暴疑是積古丘墓中伏屍鬼耳終莫知其年代

錄異記卷之八

正一天師清微弟子 洪百堅 製
道教學術資訊網

神仙感遇傳卷之一

恭五

廣 次 先生 杜光庭纂

王果

王果者湘南人也其家近王喬觀跡古所造殿宇臺閣功用甚奇而歲久荒棘漸欲墮壞果每疚心而無力崇葺唯祀像設使耕農稍贖必旋議修葺其家牧童於觀側牧牛見一村夫黃赤而短髮力壯於常人好與之戲或較力焉牧童多不勝常伺牧童來即與之遊柳果或責其歸晚因詰其由果曰若是鬼怪身冷而輕重曰此體冷而重少語行遲果曰明日復去當隨而伺之但與其効力吾將助汝擒之明日牧童復往此人亦來因効力而果共仆之乃金人也昇歸甚輕至家乃重及數千斤背上文曰修觀之外以答王果果乃貨金修觀數年而畢王果子孫至今巨富也

吉宗老
吉宗老者豫章道士也廵遊名山訪師涉學而未有所得大中二年戊辰於舒州村觀遇一道士弊衣冒風雪甚急忽見其來投觀中